

МОЛИТВЫ ПО ПРОЧТЕНИИ НЕСКОЛЬКИХ КАФИСМ ИЛИ ВСЕЙ ПСАЛТИРИ

**По совершении же неких кафисм
или всей Псалтири**

Достойно есть: *или* О Тебѣ радуется... Трисвятѣе. *И по* Отче наш.

Тропари, глас 6:

Помилуй нас, Господи, помилуй нас, всякаго бо отвѣта недоумѣюще, сию Ти молитву, яко Владыце, грѣшнии приносим: помилуй нас.

Слава: Честное пророка Твоего, Господи, торжество, Небо Церковь показав, с человеки ликуют Ангели. Того молитвами, Христѣ Божѣ, в мире управи живот наш, да поем Ти: Аллилуиа.

И ныне: Многая множества моих, Богородице, прегрешений: к Тебѣ прибегах, Чистая, спасения требуя. Посети немощствующую мою душу и моли Сына Твоего и Бога нашего дати ми оставление, яже содеях лютых, едина Благословенная.

Таже, Господи, Помилуй (40). И поклонов, елико мощно, с молитвою Господи и Владыко живота моего...

Посем глаголи молитву сию со вниманием:

Многомилостиве и Премилостиве Господи и всего добра Дателю, Человеколюбче, и всея вселенная Царю, многоименный Владыко и Господи! Нищ и убог есмь аз, дерзаю призывати чудное и страшное, и святое имя Твое, егоже вся тварь Небесных сил страхом трепещут. Низу на земли неизреченнаго Твоего человеколюбия смотрение удивил еси, посланием возлюбленнаго Твоего Отрока, Егоже от безначальных недр Твоея Отческаго славы, неразлучным Божеством отрыгнул еси, да человеки со Ангелы во един состав устроит. Помяни, Господи, моего уныния смирение, кал сый и персть, Тебѣ, неизглаголаннаго Света призываю, немощию плоти обложен, юже милостивне слово Твое понесе, и смертию Своею от работы вражия свободил еси души наша, да общники вся,

и́же ве́рою ярем рабо́ты Твоея́ на ся взёмшыя, сла́вы Твоея́ сподо́бит их, от нея́же сатана́ льсти́вый отпаде́. Помилуй мя, омраче́ннаго грехо́вными по́мысли, возведи́ ум мой уда́вленный те́рнием ле́ности и ляди́ною непоко́рства. Утверди́ се́рдце моё по Тебе́ горети́, очима́ моима́ исто́чник слез послѣ́, и на ко́нec исхо́да ду́ши моея́ сотвори́ мя безпоро́чна Твоего́ уго́дника, наста́вляя мя к Тебе́ подвиза́тися усер́дно. Помяни́, Го́споди, роди́тели моя́ милосе́рдием Твои́м и вся́ бли́жняя моя́, и бра́тию, и дру́ги, и сосе́ды, и вся́ правосла́вныя христиа́ны, и спаси́ мя моли́твами всех святы́х. И приими́ в честь сия́ псалмы́ и моли́твы, я́же глаго́лах пред Тобо́ю за ся́, и немерзко́ Ти бу́ди с воздыха́нием моле́ние сие́, я́ко ми́лостив Сый и Человеколю́бец, и Тебе́ Безнача́льнаго Отца́ сла́вим со Единоро́дным Твои́м Сы́ном и со Святы́м Ду́хом, ныне́ и прѣсно́, и во ве́ки веко́в. Аминь.

Посем Честне́йшую Херувим... Слава, и ныне́. Го́споди, помилуй (трижды). Благослови́.

Аще иерей, кончает священнически, аще ли простой, кончает сице:

Го́споди Иису́се Христэ́, Сы́не Бо́жий, моли́тв ра́ди Пречи́стыя Твоея́ Ма́тере, си́лою Честна́го и Животворя́щаго Креста́ и святы́х Небе́сных сил безплóтных, и преподо́бных и богоно́сных оте́ц на́ших, и Свята́го проро́ка Дави́да, и всех святы́х, помилуй и спаси́ мя, грешна́го, я́ко Благ и Человеколю́бец.

Аминь.